



**MEP ta existi claridad riba
nombramento di señor Franklin
Hoevertsz na Utilities Aruba
E GOBIERNO AKI TA KITA
HENDE DRECHI PA PONE
HENDE DI REPUTACION
DUDOSO**



**BESARIL Y LIN CONDENA
PA MALVERSACION DI
PLACANAN DI ARUBA
HUIS Y MAL USO DI
FUNCION**

**FISCAL A EXIGI 5 AÑA
DI PRISON PA HOMER
DI 74 AÑA SOSPECHA DI
A ABUSA DI UN MUCHA
MUHER MENOR DI EDAD**

**OBHETO STRAÑO TABATA
DRIEF DEN LAMA PARCE
UN BOTO DI BELA CU LO A
BOLTER Y TA BAY BAO AWA
SUBI BEK NA COSTA NORT**

**DOÑO DI JETSET CLUB DETENI
Y ACUSA PA DAK CU A CAY DIA
8 DI APRIL**

Doño di Jet Set Night Club, Antonio Espaillat a wordo deteni diahuebs na Sto Domingo cu cargo di homicidio, pa e dak cu a cay na su club dia 8 di April 2025. El'a wordo traslada den ora di anochi for di e oficina di Procurador General pa e prison di Ciudad Nueva, den Palacio di Hustisia, caminda e'lo warda pa e proceso hudicial.

E traslado a tuma lugar pa 9:40 di anochi, ora cu un team di seguridad a hiba cu rapides den un vehiculo. E yegada na Ciudad Nueva a tuma lugar mas o menos 9:58 di anochi.

Espaillat tabata trankil, el'a cana y a mantene silencio i no a duna ningun declaracion na prensa ora el'a yega na e cede di hustisia.





Ministerio Publico a bisa awe cu tanto Antonio como Maribel Espaillat ta bao investigacion pa homicidio involuntario pa motibo di e caida di dak di discotek Jet Set, un desgrasia cu a costa bida di 236 hende i a laga 180 herido, riba e madrugada di 8 di april 2025.

OBHETO STRAÑO TABATA DRIEF DEN LAMA PARCE UN BOTO DI BELA CU LO A BOLTER Y TA BAY BAO AWA SUBI BEK NA COSTA NORT

Diaranson for di oranan di mainta oficialnan di Parke Arikok tabata observa un mancha preto pero poco poco tabata yega cerca.

Den oranan di merdia a detecta esaki un poco mas pabao y a calcula cu e lo tabata un boto kibra cu tabata drief y tabata bini riba awa y bolbe baha.

Mesora nan a notifica Guarda Costa y esakinan a sali bay pa esaki y a bin haya e parti di un boto y awor ta investigando su providencia.



ACCIDENTE PA FALTA DI PREFERENCIA NA E CRUSADA EMMASTRAAT J.G. EMANSTRAAT



Diaranson anochi a drenta informe di un accidente cu hende herida na e crusada Emmastraat cu J.G. Emanstraat, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda cu e Honda Fit biniendo for di Emmastraat no a para pa duna preferencia na e Toyota Yaris biniendo for di pabao y nan a dal den otro. Debi na e fuerte impacto 2 persona a resulta herida.

Na yegada di e ambulans nan a atende e victimanan.



SENTENCIA CASO TULIPAN



Awe Corte den Prome Instancia a dicta sentencia den e caso penal contra e sospechosonan G.F.B.,

minister plenipotenciario anterior di Aruba na Hulanda, y G.Y.L., ex-director suplente di Arubahuis. E caso aki, conoci como Tulipan, ta trata di malversacion di fondonan publico y abuso di funcion durante e periodo di 2017-2022 na Arubahuis.

Corte den Prome Instancia a declara tur dos sospechoso culpable na malversacion y maluso di funcion.

G.F.B. a wordo condena na un castigo di prison di binti luna, di cual diez luna ta condicional, cu

un tempo di prueba di tres aña.

Corte ta considera cu G.F.B., cu su actonan, a causa daño grave na integridad di servicio publico y a perhudica Pais Aruba financieramente. Ademas, Corte a reprocha G.F.B. di a priorisa su propio bienestar y comodidad, sin musta ningun tipo di reconocimiento di e gravedad di su actonan.

Awe Huez a dicta sentencia tambe tocante e demanda di decomiso (ontnemingsvordering) contra e ex-minister plenipotenciario, den cual el a duna ordo na G.F.B. pa paga Pais Aruba un suma di Afl.

138.688 bek.

E sospechoso G.Y.L. a wordo condena na un castigo di prison di 180 dia, di cual 171 ta condicional, cu un tempo di prueba di tres aña. Ademas huez a impone un castigo di trabao comunitario di 200 ora. Durante e sentencia, huez a enfatisa cu e ex-director tabata na haltura di e irregularidadnan, pero no a tuma accion. Mirando cu no a keda comproba cu G.Y.L. lo a gosa di algun ganashi financiero personal, Ministerio Publico no tabatin demanda di decomiso contra dje.

BIBLIOTECA NACIONAL ARUBA TA RICIBI PREMIO



Biblioteca Nacional Aruba ta ricibi e OCLC ACURIL Award pa 'Innovative Cooperation Initiatives in the Caribbean' pa e proyecto/plataforma 'Coleccion Aruba'. E reconocimiento prestigioso aki ta un testimonio di e creatividad y compromiso di e proyecto pa promove cooperacion y innovacion den comunidad. A entrega e premio na señor drs. Peter Scholing, diahuebs merdia durante e conferencia di ACURIL cu ta tumando luga e siman aki na Corsou. Dor di promove iniciativa

innovativo di cooperacion, tayegana solucion y ta trece un spirito di colaboracion y uzo optimal di recurso di otro cu ta inspira y haci impacto. Biblioteca Nacional Aruba (BNA) y Archivo Nacional Aruba (ANA) ta e dos institucion di herencia cultural principal na Aruba. Como colaborador di hopi aña den preservacion cultural y accesibilidad, e dos institucion ta compromete pa salvaguardia y comparti e patrimonio dokumental y audiovisual di e isla. Nan liderazgo conhuntito

den transformacion participacion comunitario iniciativa cooperativo den digital, acceso liber y a haci nan pionero di Caribe Hulandes.

DUNA SANGER DUNA SPERANSA

Feliz Dia di Donante di Sanger!



MASHA DANKI!!



Noticiadi Corte

**Mayornan tabata confia e homber pa wak pa nan yiu ora
nan tabata traha**

FISCAL A EXIGI 5 AÑA DI PRISON PA HOMER DI 74 AÑA SOSPECHA DI A ABUSA DI UN MUCHA MUHER MENOR DI EDAD -1-

ORANJESTAD – Awe mainta, Corte a trata e caso penal cu Ministerio Publico a cuminsa contra e homber W. (74). Mayornan di e mucha muher victima J., tabata den sala di Corte y tambe famianan di e sospechoso. Fiscal a exigí 5 aña di prison pa W.

SOLO DI PUELBO por a compronde cu na dado momento e tata di e victima J., a menaza W. den Corte cu e lo mat'e. Hues a para e tata y miembronan di CEA a actua.

E acusacion cu Fiscal a presenta contra e sospechoso W.(74) ta cu entre 2015 y 2018, mas cu un biaha el a penetra e mucha muher J.(16), kende e tempo ey tabata menor di edad. Fiscal a acusa W. di abuso di un menor di edad, caminda mas cu un biaha W. a penetra e mucha cu su dede. Tambe Fiscal a bisa cu den e mesun periodo, W. a mishi na partinan intimo di e mucha J.

ADMITI DI A MISHI PERO NO PENETRA

Hues a puntra W. si ta berdad e acusacionnan y W. a desmenti di tabatin penetracion cu e mucha. El a bisa cu el a mishi cu e mucha J.. Segun W., e mucha J. a provok'e. Segun W., el a pasa man na e mucha su pecho y na parti intimo pero no tabatin penetracion. Hues a mostra cu e mucha a declara cu for di tempo e tabata chikito e tabata bay keda cerca W. y

su señora cu tabata wak pa e y su otro ruman muher, mientras cu e mayornan tabata traha. Den su declaracion na e miembronan di KZP, e mucha a describi con W. tabata mishi na su curpa. E tempo ey, segun e mucha J., e tabatin 5 aña. Segun W., e mucha ta gaña y cu e no a mishi cu e mucha na su cas sino na cas di e mayornan. El a bisa Hues cu tempo e mucha tabatin entre 13 y 14 aña, el a mishi cun'e. Hues a bisa cu e mucha J. a bisa cu ora W. tabata mishi cun'e, e tabata bisa W. pa stop y cu W. a bis'e pa no bisa nada. W. a reacciona cu esey no ta berdad. El a bisa Hues cu J. ta gaña hopi. El a bisa cu e mucha no a bis'e nada. Hues a puntra W. cuanto biaha el a mishi cu J. y W. a bisa cu e no ta corda. E ta kere entre 2 y 4 biaha. Hues a bisa bisa cu J. a declara cu W. tabata pasa man y penetra cu dede. Segun W. esey no ta berdad. Hues a haci W. pregunta si W. a pidi J. pa pasa man na W. su parti intimo. W. a bisa cu el a pidi e mucha pa mishi cu su parti intimo y e mucha haci'e cu su man. Hues a mostra cu e mucha a declara na KZP, cu e tabata yora cada vez cu e pensa cu W. tabata mishi cun'e. Segun W. esey no ta berdad.

Hues a mostra cu e mucha J. a declara na KZP cu mas cu 30 biaha W. a mishi cun'e. W. a reacciona cu esey no ta berdad.

Na dado momento Fiscal a haci pregunta na W. riba un declaracion di testigo cu a hala W. su atencion cu si e sigui haci asina cu J., e lo bay sera. W. a adimiti cu el a bisa e testigo cu si e bay sera, otronan tambe lo mester bay sera . Fiscal a puntra W., kico e kiermen cu esey. W. a bisa Fiscal cu e tata di e mucha J. y e abuelo tambe tabata mishi cu J.

TATA A MENAZA SOSPECHOSO

E aña aki a keda introduci e ley cu e victima of familiar di e victima por hiba palabra den sala di Corte. Tata di e victima, e homber B. a haci uso di esaki. El a bay para tras di un microfono den sala di Corte y a bisa Hues cu e ta lesa, loke su yiu J. a expresa den e carta. Hopi emociona el a bisa cu J. ta bisa cu e no kier mira W. mes y cu e tin hopi miedo di W. El a pidi pa Hues laga W. keda sera den prison te dia e muri.

E tata B., cu wowo na awa, a bira wak W. y bis'e cu e unico motibo cu W. ta na bida ta pasobra B. tin yiu cu ta depende di dje. El a bisa W. cu e lo a mata W. E tabata mostra dede riba W. y ripiti cu rabia cu e lo mata W. Hues e momento ey a reacciona y a bisa B. pa midi su palabranan y cu no ta permiti pa menaza hende den sala di Corte.

Continuacion pag 6

Partido MEP

PARLAMENTARIONAN SHAILINY TROMP-LEE Y HENDRIK TEVREDEN LO TA DEN E PROGRAMA RADIAL “INTERES DI PUEBLO” DIASABRA AWOR

Partido MEP ta invita pueblo di Aruba pa sintonisa diasabra awor di 11or mainta pa 1or di merdia e programa “Interes di Pueblo” na radio Top FM 95.1 cu Joe Koolman. Como invitado lo ta presente parlamentarionan Shailiny Tromp-Lee y Hendrik Tevreden cu lo

elabora riba algun tema importante relaciona cu e desaroyonan andando pa loke ta gobernacion di pais Aruba.

Pa partido MEP e ta hopi importante pa pueblo ta bon informa y cu informacion corecto. P'esey nos ta

pidi pueblo en general pa no keda sin sintonisa e programa importante aki tur diasabra di 11 am pa 1 pm na radio Top Fm 95 na unda diferente parlamentarionan di fraccion di MEP lo comparti informacionnan valioso y relevante cu henter e comunidad.



MEP ta existi claridad riba nombramento di señor Franklin Hoevertsz na Utilities Aruba

E GOBIERNO AKI TA KITA HENDE DRECHI PA PONE HENDE DI REPUTACION DUDOSO

Fraccion di MEP den Parlamento a haci preguntanan oficial na Minister Arthur Dowers cu ta encarga cu energia, exigiendo claridad y responsabilidad tocante e nombramento reciente di señor Franklin Hoevertsz como miembro di hunta di Comisario di Utilities Aruba N.V.

Segun informacion confirma, señor Hoevertsz a wordo removi den pasado di dos puesto clave: prome como director na FCCA pa supuestamente ta involucra den practicanan irregular financiero, incluyendo preferencia na contratista sin proceso di licitacion, y a cambio pa beneficio personal. Despues, el a wordo destitui di su funcion como director estatutario na Utilities Aruba N.V., pa motibo di falta di confiansa den dj'e, despues cu un investigacion interno a revela actonan inaceptabel.

Ademas, den e diano aki,

ta circula riba medianan social publicamente acusacionnan serio di abuso sexual di (por lo menos un) menor, cu a crea indignacion den comunidad.

Anto asina mes Minister Arthur Dowers a sigui cu nombramento di e señor Hoevertsz den un puesto cu ta exigi integridad, transparencia y liderasgo etico.

Fraccion di MEP ta pidiendo e Minister:

1. ☐ Si el tabata na altura di e historia turbulento di señor Hoevertsz den companianan estatal den pasado;
2. ☐ Si algun screening di integridad a wordo haci;
3. ☐ Kico gobierno tin pensa di haci tocante e acusacionnan publico di abuso sexual di menor;
4. ☐ Con nombramento aki ta pas den e supuesto compromiso di e gobierno Eman-Croes di bon gobernacion;
5. ☐ Y si e ta dispuesto



pa reevalua of revoca e nombracion.

MEP ta exigi responsabilidad, proteccion di e confianza publico, y un gobernacion integro y husto. A pidi e Minister pa contesta den dos siman. Mester remarca cu apesar cu algun pregunta a wordo contesta mientras tanto, fraccion di MEP tin mas di 500 pregunta haci na gobierno, sin a haya contesta.



BRIYANDO FUERTE • TRECIENDO CLARIDAD

Di Pueblo

**GANAR UN
DIY KIT PA**

**DIA DI
TATA**



Haci bo compras cerca nos pa dia di tata y bo tin chens pa gana e ultimate DIY kit!

Campana ta valido entre 2 cu 14 di juni.
E ganador lo wordo anuncia dia 16 di juni 2025.

SHOP NOW
Avenida Milio Croes 41
(+297) 280 0222

electro 

Mayornan tabata confia e homber pa wak pa nan yiu ora nan tabata traha

FISCAL A EXIGI 5 AÑA DI PRISON PA HOMER DI 74 AÑA SOSPECHA DI A ABUSA DI UN MUCHA MUHER MENOR DI EDAD -2-

Continuacion di pag 4

Di biaha por a mira cu e dos miembronan di CEA den sala di Corte a bay riba B. y a bis'e cu e no por haci menaza. Un di e miembronan di CEA a cana bay cu B. na B. su stoel y a papia cun'e pa e calma su mes.

FISCAL A EXIGI 5 AÑA DI PRISON

Fiscal a bisa Hues cu e caso a bin na claridad ora cu na school, maestra a constata cu e mucha J. tabata actua straño. A yama e mama pa bay school y e mucha a conta cu for di tempo cu e tabatin 7 aña, te cu 9 aña, W. tabata mishi cun'e. El a bisa cu W. tabata su bisiña. Fiscal a muestra cu durante interrogacion na KZP, J. tabata yora ora puntr'e si W. a penetr'e. Fiscal ta haya cu W.

ta confirma di a mishi cu J. na su pecho y parti intimo. Na opinion di Fiscal, esaki ta wordo considera como prueba di sosten. Fiscal ta haya cu a keda legalmente proba tur dos acusacion. Fiscal a bisa cu esaki ta un caso hopi serio caminda W. a abusa di su funcion pa cuida mucha, pa satisfice su mes. Fiscal a remarca cu, den su cas caminda J. mester sinti su mes sigur, el a wordo abusa door di W., kende tabata tin cu wak pa J. Fiscal a muestra cu J. a keda afecta y ta hayando tratamiento. Fiscal a exige 5 aña di prison pa W. Pa loke ta e demanda di daño di 10 mil florin, Fiscal a muestra cu psicologo a constata cu e mucha a keda afecta. Fiscal ta haya e demanda ta na su lugar. Tambe Fiscal a pidi Hues pa impone e medida di pago.

ABOGADO

Mr. Mohamed a bisa Hues cu W. a admiti di a mishi cu J. pero no a penetr'e. E abogado a muestra cu e mucha J. mes a declara na diferente persona cu no tabatin penetracion. Na opinion di mr. Mohamed, esey ta haci cu no por prueba penetracion y mester condena W. pa solamente actonan immoral. E abogado ta haya cu e exigencia di Fiscal ta dooble castigo pasobra no tabatin penetracion. El a muestra cu e sospechoso W. mes ta bisa cu ta 2 pa 4 biaha el a mishi cu e mucha J. E abogado ta haya cu e exigencia di Fiscal ta demasiado halto. Hues a sera tratamento di e caso y a bisa cu dia 4 Juli 2025 lo tin sentencia.

PLAN DI MAYOR ARUBA TA HACI POSIBEL PA MUCHANAN MANTENE RELACION CU TUR DOS MAYORNAN

Oranjestad, Aruba – Muchanan no ta scoge pa nan mayornan separa, pero ta e mucha mes ta esun cu ta sinti e impacto mas profundo. Divorcio/separacion ta wordo reconoci internacionalmente como un di e ACE's Adverse Childhood Experiences, cu por laga efectonan negativo a corto of largo plazo.

Tur mucha tin un derecho fundamental: Pa tene un relacion saludabel y consistente cu ambos mayor. Pa yuda famianan logra esaki, Plan di Mayor Aruba ta ofrece guia, mediacion y plan di crianza comparti cu involucramento di e mucha mes.

Tur Mucha Tin Derecho Na Contacto Regular Cu Tur Dos Mayor

Den caso di un separacion, e riesgo ta grandi cu un di e mayornan por bira ausente, no solamente fisico, pero emocional tambe. E situacion aki por crea desbalansa y dolor pa e mucha. “Nos no ta papia di preferencia di mayornan. Nos ta papia di un derecho di e mucha un derecho pa stima, pa sinti sigur, y pa tin dos hogar, no dos lucha,”

Un Plan di Crianza Comparti:

Plan di Mayor Aruba ta traha cu mayornan pa desaroya un plan di crianza comparti, cu ta un guia basa ariba acuerdonan haci durante mediacion encera entre otro:

- Tempo comparti entre mayornan (Areglo di bishita/Omgang)
- Comunicacion ariba nivel di Mayor (frecuencia, forma)
- Apoyo y Sosten
- Decisionan importante den e mucha su bida
- Con nan a puntra e mucha su opinion ora nan a diseña e plan di crianza.

“Crianza Comparti ta un compromiso na e bienestar di bo yiu, no cu bo ex,”

KIES: Duna Stem Na E Mucha

Un punto unico den e metodo di Plan di Mayor Aruba ta e uzo di KIES un tipo di mediacion familiar cu ta duna e mucha un stem den e proceso di e desaroyo di e acuerdonan den e Plan di Mayor.

Un mediador di KIES ta papia cu e mucha (segun su edad y desaroyo) pa e mucha por expresa kico e ta sinti, kico e ta desea, y kico e ta

spera. E opinion di e mucha ta wordo comunica na e mayornan pa nan por traha den su bienestar.

Plan di Mayor Aruba: Servicio Gratis y Confidencial

Plan di Mayor Aruba ta traha pa:

- Provee sosten ariba e problematicanan cu por presenta prome, durante, y despues di un separacion.
- Mediacion pa traha un Plan Di Mayor cu acuerdonan forma cu respet teniendo e mucha su bienestar central.
- Envolve muchanan y nan opinion den e formacion di e Plan di Mayor, su opinion tambe ta conta!

Un mucha cu tin acceso na ambos mayor y tin e libertad pa forma lasonan saludabel cu ambos mayor ta desaroya mihor den e areanan di emocion, relacion social, autoestima y escolar.

Pa e mucha por forma laso sigur cu ambos mayor e ta rekeri esfuerso intencional di mayornan pa comunica den un forma respetuoso, resolve conflicto den un forma saludable,



y mediacion ariba un plataforma neutral na plan di mayor por juda mayornan yega na esaki.

Kico Bo Por Haci?

Si bo ta pasando den un separacion, divorcio of si tin conflicto cu e otro mayor tuma contacto cu:

Plan di Mayor Aruba

□ 2ndo piso MFA Santa Cruz

□ Tel: 280-0025 Whatsapp: 569-6871

□ Email: plandimayoraruba@gmail.com

□ Website: plandimayor.org

“Un Mucha No Mester Skohe E Tin Derecho Na Tur Dos Mayornan”

Laga nos honra e derecho di e mucha pa tene un laso sigur cu su mama y su tata.

Plan di Mayor Aruba ta aki pa sostene den esey.



NoticiadiCorte

Besaril tin castigo di prison pa sinta y Lin tin trabao pa comunidad pa haci

BESARIL Y LIN CONDENA PA MALVERSACION DI PLACANAN DI ARUBA HUIS Y MAL USO DI FUNCION

ORANJESTAD – Awe merdia Hues di Corte den Promer Instancia a dicta sentencia den e caso penal cu Ministerio Publico a cuminsa contra Wilfred Besaril (51) y Glen Ling (62). Ta asina cu Besaril no a presenta pero su abogado mr. Doris Canwood si. Lin a presenta cu su abogado mr. Illes.

SOLO DI PUEBLO por a compronde cu Hues a condena Besaril na castigo di prison combina y cu Besaril mester paga bek na Gobierno mas di 138 mil florin. Lin mester haci trabao pa comunidad.

Luna pasa, 23 Mei 2025, Fiscal a exige pa Besaril 2 aña di prison y 1 aña di prison pa Lin di cual 6 luna ta condicional cu 3 aña di tempo di prueba. Tambe Fiscal a exige pa Besaril mester paga bek 199.482 florin na Gobierno di malversacion y si no paga e lo mester bay 3 aña sera den prison.

SENTENCIA

Hues a bisa cu e ta haya legalmente proba cu Besaril y Lin ta complice di malversacion di placanan di Aruba Huis. Tambe Hues a bisa cu Besaril a haci mal uso di su funcion como Minister Plenipotenciario y Lin a haci mal uso di su funcion como director di Aruba Huis.

** Hues ta haya cu e asunto di telefoon priva pa Besaril ta gastonan sin cu tabatin motibo valido. Hues a sigui bisa cu e ta haya cu Lin a aproba e gastonan aki cu ta 14 mil florin.

** Hues a sigui cu e asunto di huur di cas pa Besaril na Hulanda. El a menciona e gastonan di drechamento, muebles, jardin y sistema di alarma. Hues ta haya cu door cu ta trata di cas pa Minister Plenipotenciario, no ta tur ta asunto priva. Hues

ta di opinion cu Gobierno mester paga un parti di e gastonan. Sinembargo tin gastonan manera e jardin, sistema di alarma y otro drechamento, cu Hues ta haya cu no tabatin motibo valido. Hues a bisa cu Besaril a malversa 72 mil florin.

** Hues a muestra cu e compania cu Besaril a contrata na Hulanda pa haci trabaonan publicitario pa Aruba Huis, esaki ta gasta placa innecesario pasobra Gobierno di Aruba tin su hendenan pa haci e trabao ey.

** E asunto di estadia na Aruba, caminda Besaril a haci gastonan riba carchi di credito di Aruba Huis pa asuntonan priva, Hues ta haya cu e gastonan di VIP no ta malversacion.

** Pa loke ta e asunto di usa e carchi di credito di Aruba Huis den hotelnan y otro lugarnan, Hues ta haya cu Besaril a usa e carchi di credito di Aruba Huis pa asuntonan priva y Lin a aproba esakinan. Esaki ta 47 mil florin.

BESARIL A MALVERSA PLACA PA SU MES

Pa cu e castigo, Hues a muestra cu e ta haya cu Besaril a malversa placanan di Aruba Huis pa cosnan cu ta pa su mes. Hues ta haya cu Besaril a causa daño na Aruba Huis. Durante un periodo largo, Besaril a haci esaki.

Na opinion di Hues, pa Besaril e tabata un costumber di haci esaki y no ta realisa cu el a haci malo. Besaril ta muestra riba otronan. Hues a bisa cu e condena di Besaril lo ta menos di loke Fiscal a exige. Hues a splica cu el a tene cuenta cu Besaril a wordo kita di su funcion. Tambe cu e lo wordo ordena pa paga e gastonan cu el a haci. Hues a bisa cu e lo impone un castigo combina pa asina evita

cu Besaril lo por bolbe haci algo asina den futuro. LIN A FAYA NA ARUBA HUIS

Na opinion di Hues, Lin como director di Aruba Huis a laga di desea. Hues ta haya cu Lin no tabata hiba control debido y no a cuestiona e gastonan di Besaril cu no tabata bon. Hues a muestra cu den Corte, Lin mes a bisa cu e tabata tey por nada na Aruba Huis pasobra Besaril tabata dicidi.

Hues a tene na cuenta cu Lin mes no a haya beneficio di e malversacion. Tambe Hues a tene cuenta cu Lin a coopera cu investigacion y ta reconoce cu el a faya como director. Hues ta haya cu mester manda un señal cu no ta tolera esaki. El a bisa cu e lo impone castigo combina pa Lin.

CASTIGO

Hues a condena Besaril na 20 luna di prison di cual 10 luna ta condicional cu un tempo di prueba di 3 aña. Esey ta nifica cu Besaril mester bay bek KIA pa caba di sinta mas o menos 9 luna, teniendo cuenta e tempo cu e tabata sera.

Den caso di malversacion di placanan, Hues a calcula e suma total cu Besaril mester paga bek ta 138.688 florin. Hues a bisa cu si Besaril no paga, e lo mester bay 1 aña sera den KIA.

Hues a condena Lin na 180 dia di prison di cual 171 dia ta condicional cu 3 aña di prueba. Esey ta nifica cu Lin no mester bolbe bay sera den KIA. Hues a sigui bisa cu banda di e castigo di prison e ta condena Lin na 200 ora di trabao pa comunidad y si Lin no cumpli cu esaki, e lo mester bay 100 dia sera den KIA.

**CAMBIA PERSPECTIVA
TOCANTE OBESIDAD:
SA BO NUMBER Y MIDI
BO PESO**



ARUBA TA CELEBRA 127 AÑA DI INDEPENDENCIA DI FILIPINAS



Diahuebs dia 12 di juni, e comunidad Filipino na Aruba a celebra e di 127 aniversario di Independencia di Filipinas cu un acto oficial yen di alegria, cultura y union. E celebracion a inicia cu un ceremonia di hisa bandera, un ofrenda di flor den honor di e heroenan nacional di Filipinas, y un serie di presentacion tradicional cu ta refleha e rikesa cultural di e pueblo

Filipino.

Minister di Salubridad Publico drs. Mervin Wyatt-Ras, a asisti na e evento festivo aki y a duna un discurso elocuente di e comunidad Filipino su contribucion na desaroyo di Aruba. Presenta na e celebracion aki tabata Presidente di Parlamento, sr. Marlon Sneek, Embahador Honorario di Filipinas na Hulanda,

sr. J. Eduardo Malaya, Consul-Honorario General di Filipinas na Aruba, sra. Amy Henriquez-Mendez, Vice Consul di Filipinas na Hulanda, sra. Crystal Dampil y demas invitado.

“Boso a duna un contribucion significativo y duradero na nos sociedad. Hopi di boso a haci Aruba boso di dos hogar, y a bira un parti integral di nos Pais”, Minister Wyatt-Ras a expresa. Minister Wyatt-Ras a subraya e rol extraordinario di Filipinonan cu ta traha den enfermeria y cuido medico aki na Aruba. “Nan compasion, habilidad y resiliencia ta wordo sinti profundamente cada dia den nos Hospital y



facilidadnan di cuido. Nan trabao ta touch bida den e maneranan mas significante, pa cual mi ta profundamente gradicido”, Minister Wyatt-Ras a expresa.

Segun Minister Wyatt-Ras, e dia di Independencia ta simbolisa e libertad, lucha y determinacion pa un futuro miho. Ademas e mandatario a expresa su gran aprecio pa e

balornan cu ta caracteriza e comunidad Filipino, esta respet, union familiar y un etica impresionante di trabao.

Gobierno di Aruba ta felicita tur Filipino cu e celebracion di nan Independencia, y ta expresa su deseo pa fortifica e lasonan di amistad y cooperacion entre Aruba y Filipinas, pa progreso comparti.

Rycond do Nascimento: E FORMADOR TA FIX: MIKE EMAN TA KONKEL CU NOMBRACION DI MINISTER ARUBA, 13 DI JUNI 2025

Kico Mike Eman mes tabata sa?

Como formador y lider di AVP, Mike Eman tabatin e palabra final riba e composicion di gabinete y e poder pa promove un candidato pa minister. Un di e candidatonan tabata su mes amigo y ex-minister Mike de Meza, kende tabata responsabel pa Belastingdienst durante Gabinete Mike Eman I. E screening di De Meza a demostra cu durante su cargo como minister di Finanza e no a cumpli cu su declaracionnan fiscal, el a laga su debenan acumula y eventualmente e debenan a caduca. Mas serio ta cu aparentemente el a beneficia di e falta di control den su mes departamento, pasobra ta su mal maneho a yuda su debe caduca (verjaring). Sin embargo De Meza no ta e antagonista principal di nos estado di derecho. Esaki ta un storia di Eman y huristanan sin escrupulo cu ta busca manera pa frustra normanan di integridad hancra den ley.

1. De Meza no a pasa e screening

Despues di e eleccion di dia 6 di december 2024, cu AVP y FUTURO hunto a logra un mayoria, Mike Eman y Gerlien Croes a wordo nombra como formadornan di un gabinete nobo. Den e proceso ey, AVP a propone Mike de Meza como futuro minister di Energia, Infraestructura y Medio Ambiente.

Siguientemente e formadornan a inicia e proceso di screening di integridad fiscal riba 18 februari 2025 manera e Landsverordening Integriteit Ministers (LVIM) ta stipula. E screening ey a trece na luz cu De Meza tin probleman fiscal grave. P'esey gobernador no por a duna luz berde na nombracion di De Meza.

2. Como minister di finanza De Meza sumes no tabata cumpli cu su impuesto

E screening a confronta Mike Eman cu un situacion incomodo: bao di su Gabinetenan De Meza tabata negligente y ademas probechando di un Departamento di Impuesto debilita. Como minister, e tabata sa bon cu e proceso di cobra impuesto ta poco poco y cu esey por conduci na debenan cu ta caduca (verjaar). E echo cu un ex-minister por a uza su periodo na mando pa laga su obligacion fiscal desaparese ta pone un nubia moralmente scur riba Gabinetenan Mike Eman I y II.

Pa e motibo ey, e papel di Mike Eman den henter e asunto aki ta bira mas serio. Como formador y lider di partido, e mester a sigura e integridad di e proceso di screening.

3. Mike mes a diseña un ruta di contrabando: e 'declaracion di conducta fiscal'

Aparentemente, despues di e luz cora di gobernador, Mike Eman a busca un ruta pa bay rond di e screening prescribi pa ley. De Meza a haya e conseho pa pidi un declaracion di conducta fiscal comosifuera e ta un ciudadano normal cu no tin mester di un examen mas profundo relaciona cu su ambicion pa bira minister.

Dia 7 april 2025 De Meza y su señora a presenta un peticion na belastingdienst pa pidi tal declaracion, fuera di e marco di e ley di screening y cu e intencion pa evita un evaluacion di su pasado y conducta fiscal. Confiando riba Mike Eman el a spera cu asina nan lo por forsa gobernador acorda su nombracion. Mike Eman mes tambe tabata conta riba e declaracion di conducta fiscal pa manipula opinion publico bisando: "Departamento di Impuesto mes a bisa cu e no tin debe" y asina e lo tabatin un herment pa troce e storia aki.

4. Mike a diseña un di dos ruta di contrabando: busca e declaracion cerca hues

Ora directora di DIMP a nenga dos biaha (14 y 28 april), pa colabora cu e wega di Mike Eman, supuestamente Mike a duna De Meza e conseho pa busca e declaracion cerca hues.

Dia 9 di mei 2025 De Meza a presenta su demanda na hues, pa forsa belastingdienst duna un declaracion positivo. E abogado di De Meza tabata Desiree Croes, ex-parlamentario di AVP y miembro di un famia fiel na Eman. Desiree a wordo asisti pa Duineveld, kende su mes tabata tin vinculonan dudoso den pasado. Nan plan tabata: uza hues pa crea un documento pa contradici e screening di Departamento di Impuesto. P'esey en realidad tabata trata di un bypass huridico camufla como conflicto legal.

5. Hues a para nan, lagando e batata cayente den scochi di Mike

Riba dia 4 juni 2025 hues a bisa cu e no tin



e competencia pa forsa Departamento di Impuesto duna De Meza e documento na smaak di Eman y De Meza. Hues a splica cu carta di Departamento di Impuesto no tabata contene ningun decision legal, solamente un relato di echonan.

Tambe hues a muestra claramente cu Mike Eman mester tuma un decision final basa riba e declaracion cu tin caba di Departamento di Impuesto. O sea, e mes persona cu a inventa e plan pa bypass e proceso regular di screening, a haya e mensahe cu e mester tuma responsabilidad y saca su mesun conclusion si e por presenta De Meza como candidato na gobernador. P'esey e pregunta clave ta: Mike Eman lo propone un candidato cu yen bandera cora den su file? Of Mike porfin lo defende integridad institucional?


Pregunta final: oportunismo politico lo prevalece riba respet pa ley y moral?

Ta parece cu Mike Eman ta prefera lucha pa interes di partido en bes di interes di nos pais. Na luga di respet a screening di integridad el a inventa un caminda administrativo pa bruha tera. Y ora e no a logra esaki, el a purba konkel e proceso uzando hues. Esaki ta un wega di tactica di poder, pero alabes un atentado riba nos estado di derecho.

Si e formador mes ta bay contra e proceso di screening cu tey pa proteha nos pueblo contra explotacion pa probecho personal, ya caba nos ta biba den un pais caminda interes di partido ta mas importante cu bienestar di pueblo.

P'esey e pregunta di momento no ta si De Meza por ta minister pasobra e contesta riba e pregunta ey ta evidente. E pregunta mester ta si Mike Eman mes no a hinca un cuchiu den lomba di pueblo y e estado di derecho c'un prome minister ta suppose di defende?

ACCIDENTE CU HOPI DAÑO MATERIAL DIABIerna MERDIA



Rudolf Arendsstraat/
Weststraat - Diabierna
merdia a sosode un
accidente cu hopi daño
material ariba e crusada
di Bo Chang Wing
supermarket.

Falta di preferencia
a hunga un rol. Den
accidente aki tawata tin
tres auto involvi, entre
nan un truck di Arugas.

Ariba imagennan por mira
con e auto color blanco cu
ta un Mitsubishi a keda
despues di a bay dal contra
e Toyota pickup.

Aparentemente e truck di
Arugas biniendo di Rudolf
Arendsstraat no a para na
e crusada di Weststraat y
esaki a causa e accidente
aki.



Clasificados

SOLODIPUEBLO@GMAIL.COM
CEL. 585 9500

SOLO
Di Pueblo

**TA BENDE:
BBQ GRILL
TIPO CRIYOYO I
DURADERO**



**INFO JAMA:
5697787**

ATA-Europa haciendo un bon trabou: E EKIPO CONTENTO CU DESPUES DI SHETE AÑA UN MINISTER DI TURISMO A BISHITA NAN

Minister mr. Wendrick Cicilia ta sigui cu su biahe di trabou na Europa. Despues cu a culmina cu e reunionnan di International Labour Organisation (ILO) na Geneve, Suisa, e mandatario a continua pa Hulanda caminda ta atendiendo varios reunion na bienestar di pais Aruba.

Un di e prome reunionnan cu e mandatario a atende, ta cu e oficina di turismo di Aruba na Hulanda, ATA-Europa. Durante e encuentro e mandatario a inicia bisando cu e ta aprecia e labor cu cada un di e trahadonan ta eherce. E ta un labor importante mirando cu Europa no ta un mercado facil, pero e ekipo di ATA-Europa ta determina pa hunto cu Minister Cicilia atrae mas turista for di Europa pa nos isla.

E team a confirma e compromiso pa sigui traha duro pa produci resultado positivo pa nos isla. Nan no a keda sin menciona cu nan ta gradicido cu e presencia di Minister mr. Wendrick Cicilia.

Ta prome bes den shete aña cu un minister di turismo ta bishita nan. Tin varios ‘young professionals’ cu ta traha pa ATA-Europa, entre nan algun cu tabata den klas hunto cu Minister Cicilia.


E turistanan procedente di Europa tin otro enfoke ora di bishita Aruba, ta prueba cu mayoria ta explora nos isla den su totalidad. Nan no ta keda den e zona di ‘high



rise’ solamente. Minister Cicilia lo traha di cerca cu ATA-Europa pa sigura cu su vision di: prosperidad comparti bira un realidad, caminda e pueblo den su totalidad tambe lo sinti e efecto positivo di e fortuna di turismo.


E mandatario pronto lo anuncia su plan pa atrae mas aerolinea for di

Europa, actualmente KLM y TUI ta hungando un rol importante di conecta Aruba cu Europa, pero ta importante pa sigui explora e posibilidadnan pa conecta Aruba cu mas destinacion, di un forma directo. “Sigui haci Boso best, Aruba ta orguyoso di Boso”, asina Minister Cicilia a termina bisando n’e ekipo di ATA-Europa.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - June 13, 2025

CATACHI Sorteo # 4649 7209 5523 8745 MULTI X X2 BIG 4 Sorteo # 4649 9488 MULTI X X5 1OFF Sorteo # 2705 4713 ZODIAC Sorteo # 4649 9112 Psicis LUCKY 3 Sorteo # 1523 257 MULTI X X3	<table><tr><td>LOTTO 5</td><td></td></tr><tr><td>Sorteo #</td><td>Joker Letter</td></tr><tr><td>0 x Jackpot</td><td>Proximo Jackpot</td></tr><tr><td>0 x Match 4+</td><td>140.000,-</td></tr><tr><td>0 x Match 4</td><td></td></tr><tr><td>0 x Afl. 12,00</td><td></td></tr></table> <table><tr><td>LOTTO DI DIA</td><td></td></tr><tr><td>Sorteo #</td><td>Proximo Jackpot</td></tr><tr><td>0 x Jackpot</td><td>50.000,-</td></tr><tr><td>0 x Match 4</td><td></td></tr><tr><td>0 x Afl. 8,00</td><td></td></tr></table> <table><tr><td>MEGA</td><td></td></tr><tr><td>Sorteo #</td><td>Mega Ball</td></tr><tr><td>0 x Jackpot</td><td>Proximo Jackpot</td></tr><tr><td>0 x match 4</td><td>450.000,-</td></tr><tr><td>0 x Afl. 500,00</td><td></td></tr><tr><td>0 x Afl. 50,00</td><td></td></tr><tr><td>0 x Afl. 15,00</td><td></td></tr></table> <table><tr><td>MEGA PLUS</td><td>Afl. 675.000,-</td></tr></table> <table><tr><td>KORSOU</td><td></td></tr><tr><td>Sorteo #</td><td></td></tr><tr><td></td><td></td></tr><tr><td></td><td></td></tr><tr><td></td><td></td></tr></table>	LOTTO 5		Sorteo #	Joker Letter	0 x Jackpot	Proximo Jackpot	0 x Match 4+	140.000,-	0 x Match 4		0 x Afl. 12,00		LOTTO DI DIA		Sorteo #	Proximo Jackpot	0 x Jackpot	50.000,-	0 x Match 4		0 x Afl. 8,00		MEGA		Sorteo #	Mega Ball	0 x Jackpot	Proximo Jackpot	0 x match 4	450.000,-	0 x Afl. 500,00		0 x Afl. 50,00		0 x Afl. 15,00		MEGA PLUS	Afl. 675.000,-	KORSOU		Sorteo #							
LOTTO 5																																																	
Sorteo #	Joker Letter																																																
0 x Jackpot	Proximo Jackpot																																																
0 x Match 4+	140.000,-																																																
0 x Match 4																																																	
0 x Afl. 12,00																																																	
LOTTO DI DIA																																																	
Sorteo #	Proximo Jackpot																																																
0 x Jackpot	50.000,-																																																
0 x Match 4																																																	
0 x Afl. 8,00																																																	
MEGA																																																	
Sorteo #	Mega Ball																																																
0 x Jackpot	Proximo Jackpot																																																
0 x match 4	450.000,-																																																
0 x Afl. 500,00																																																	
0 x Afl. 50,00																																																	
0 x Afl. 15,00																																																	
MEGA PLUS	Afl. 675.000,-																																																
KORSOU																																																	
Sorteo #																																																	



Riba su fecha natal, a conmemora y honra e balentia di Anne Frank



Durante un celebracion solem diahuebs atardi durante bahada di solo, a conmemora e di 96 cumpleaños di Anne Frank na Parke Wilhelmina. Minister di Salud Publico drs. Mervin Wyatt-Ras, a asisti na e ceremonia y a rindi homenahe na e balentia incomparabel di Anne Frank.

Cu respet profundo y den espirito di reflexion, comunidad Hudiu a bini hunto pa honra e bida y legado di Anne Frank, un mucha muhe cu su diario a bira un bos eterno contra odio y un simbolo poderoso di resistencia y speransa. E estatua di Anne Frank, revela na 2011, ta un parti



importante di e vision cultural di Gobierno di Aruba cu ta transcende nos fronteranan y ta uni Aruba y Reino Hulandes cu e comunidad internacional. Hunto cu e Monumento di 18 di Maart, e estatua di Reina Wilhelmina y e estatua di Anne Frank, ta forma un triangulo simbolico cu ta refleha nos identidad nacional, nos lasonan historico, y nos balornan comparti, un triangulo di union y responsabilidad moral.

Na e revelacion di e estatua na 2011, Aruba tabatin e honor di ricibi figuranan importante di e mundo cultural y global:

- Martin Luther King III, yiu di e lider pa derechonan civil di Estados Unidos;
- Rabbi Soetendorp, Rabbi Principal di Hulanda;
- Sr. Westra, Director di e Cas di Anne Frank;
- Y escultor Joep Koppens, cu a duna bida na e memoria di Anne via su arte.



Durante e ceremonia, a recorda cu Anne Frank a nace dia 12 di juni 1929 na Alemania, un mucha muhe Hudiu cu su balentia y sabiduria, capta den su diario, ta sigui inspira generacionnan rond mundo. Anne Frank a fayece na februari 1945 cu apenas 15 aña di edad, pero su diario a sobrevivi

y a bira un simbolo di balentia y speransa. Na nomber di e Prome Minister y Gobierno di Aruba, Minister Wyatt-Ras a gradici tur hende presente pa honra e memoria di Anne Frank. Cu nos sigui preserva e legado di Anne Frank pa respet, husticia y paz na mundo.

Paga bo cuenta online ta facil

Sea
Abonnement
of Aviso



Pa hasi pago online pone nomber y adres na cuenta di banco RBC Sunmax Printing account # 7700000100152447



VADER DAG

V oor velen een normale
dag

A nderen die maken een
feest van

D e ene is triest en de
andere blij

E n anderen danken God
voor alles op een rij

R oepen het leven toe :
Papie wij houden van U



D e hemel het paleis van
onze hemelse Vader

A an ons eeuwig leven
geschonken

G root is Uw kracht,
tot in eeuwigheid.

Ruthy " Lady Ruth"

CHAUFFEUR A BAY LAGA AUTO SIN NUMBER ATRAS DESPUES DI ACCIDENTE CU 2 HENDE HERIDA



Diahuebs atardi a drenta informe di un accidente cu hende herida na Figaroastraat, mesora a dirigi tanto polis como ambulans na e sitio. Na

yegada di e patruya a bin compronde cu e chauffeur di un Nissan Sentra sin number a bandona e sitio lagando e auto atras despues di a dal riba un

Toyota Yaris lagando 2 persona herida. Na yegada di ambulans nan a atende e victimanan y a transporta unicamente un di nan.

DIABETES Y SU CONSECUENCIANAN PA E BISTA

Dia 10 di juni ultimo, ariba iniciativa di nos Consejo di Cliente, FAVI a tene un anochi di informacion tocante di e malesa diabetes y tur e consecucionan cu esaki por tin pa bo salud y en particular nos bista, pero tambe kiko nos por haci pa preveni daño na nos wowonan.

Oradornan e anochi aki, tabata Zr. Cheryl de Graf, enfermera specialisa den diabetes cu ta labora na



Centro Diabetico Aruba y tambe Dr. Zuleyma Laclé, Oculista (Specialista di wowo).

FAVI kier gradici IMSAN cu a invita 2 Optometrista, cu a haci chequeo di bista bao di nos bishitantenan y tambe duna informacionan valioso.

FAVI ta hopi contento di

a mira un sala yen, cual ta muestra cu tin interes pa tipo di informacionan asina di salud.

Si tin mas pregunta tocante di problemanan di bista corda, Yama FAVI na 582-5222 of 582-5051



Cu

PAPA

P otente ,fuerte y balente

A legre den su mente

P asenshi semper e tin

A mor pa su famia sin fin

Ruthy" Lady Ruth"

FATHER'S DAY

A day for giving thanks

A day of celebration

A day to express more love

A day of inspiration

A good father is not for sale

A good father inhale

A good father's example

His soul, his temple

A father is a good man

A father is a blessing

A father works hard

Yess he can !

A father is loyal

A father is loving

A father is giving

Grateful he stands .

Ruthy" Lady Ruth"

NO DRENTA DEN E SOCIEDADNAN SATANICO

No dreña den nan asambleanan satánico, nan ta bao di un capa secreto. Nan ta haci nan huramentonan den nan iniciación ritual. Bijbel ta bisa, 2 Corinthionan 6: 14 – 18: “ No uni boso mes cu hendenan cu no ta creyente. Kiko santidad tin di haci cu maldad? Kiko lus tin di haci cu scuridad? No por tin harmonia entre Cristo y satanas? Kiko un creyente tin di comun cu un incredulo? Tempel di Dios por sera aliansa cu diosnan falso? Wel, nos ta tempel di Dios bibo.” Bijbel Mateo 5: 34 – 37: “Ami ta bisa boso: No hura mes pa ningun motivo. Ni pa Cielo, pasobra Cielo ta trono di Dios, ni pa tera, pasobra tera ta banki di Su pianan, ni pa Herusalem, pasobra esaki ta e Stad di E Rey Grandi. Tampoko no hura pa bo cabe, pasobra bo no por haci ningun draachi di cabey preto of blanco. Laga bo si ta si y bo no ta no. Tur loke bo pone aserca ta bini di e diabel.” Nan ta rechasa e unico berdad di Dios Tata. Bijbel ta bisa, den Deuteronomio 6: 4 – 5: “Scucha Israel: Yave, nos Dios, ta e unico Dios. Stima Senjor bo Dios di henter bo curason, di henter bo alma y di henter bo curpa.” Esnan den sociedad satánico, nan ta nenga cu Cristo Hesus ta Senjor y Salbador y nan ta bay riba nan mes moral perfection y riba nan mes esfuerso. Bijbel ta bisa, Huan 14: 6; “Hesus ta contesta: Ami ta caminda, berdad y bida. Ningun hende no ta jega cerca Tata, si no pa medio di Mi.” Bijbel Efesionan 2: 8; “Pasobra boso ta salba pa medio di Gracia di Dios, pa medio di Fe den Cristo. Anto boso no ta haya salvacion pa medio

di boso mes esfuerso, ma e ta un regalo di Dios.” Nan ta ignora e bijbel di Dios y nan ta compara e Bijbel, mescos cu nan textonan pagano. Bijbel ta bisa, 2 Timotheo 3: 16 – 17; “Tur loke ta para scirbi den Escritura, a keda inspira pa Dios y ta util pa instrui, defende, coregi y pa educa hende pa justicia, pa un hende homber di Dios sea perfecto.” Nan ta adora diferente diosnan pagano. Bijbel ta bisa, Exodo 34: 14; “No adora ningun otro dios, pasobra Senjor ta un Dios celoso y E no ta tolera ningun otro dios. P’esey no sera ningun combenio cu e habitantenan di e pais ey.” Bijbel Exodo 20: 3, Dios Tata ta bisa: “Lo bo no tin otro diosnan, cu nota Ami.” Nan ta nenga di menciona e number di Hesus den nan asamblea. Bijbel ta bisa, Philipensenan 2: 10 – 11; “Pa cu den number di Hesus tur rudia lo dobla, di habitantenan Celestial, habitantenan terenal y spiritonan infernal y tur lenga lo profesa na honor di Dios Tata, cu Cristo Hesus ta Senjor.” Esnan den sociedad satánico, nan ta rechasa e salvacion pa medio di fe den Cristo Hesus. Bijbel ta sinja, cu Cristo Hesus a muri y a resucita, Hesus ta e Unico caminda cu e humanidad por reconcilia cu Dios Tata. Bijbel Echonan 4: 12: “Den dj’E so por haya salvacion; riba mundo no tin ningun otro Number duna na hende, cu por salba nos.” E sociedad satánico ta sinja, cu nan ta trece lus of iluminacion pa nan miembronan. Bijbel ta bisa, Huan 8: 12, Hesus ta bisa: “AMI ta lus di mundo. Esun cu sigi Mi, lo no cana den scuridad, ma lo e tin lus di bida.” Esnan den sociedadnan satánico,

nan ta haci pactonan diabolico, osea bende nan almanan pa jega nan meta y nan ta wordo marca riba nan man of frenta cu e micro-chip di e bestia 666. Bijbel ta bisa, Apocalipsis 14: 9 – 11; “E di tres Angel a sclama na bos halto: Kende cu adora e bestia y su imagen y laga pone e marca riba su frenta of su man, esun ey lo bebe di e binja di Dios Su rabia, cu ta prepara puro den copa di Su ira y lo e keda tormenta cu candela y zwavel dilanti di Angelnan, Santonan y di E Lamchi. Y huma di nan tormento ta subi bay halto den siglo di siglonan. Ni di dia, ni anochi nan no tin sosiego na esnan cu ta adora e bestia y su imagen y kende cu ta acepta e marka di su number.” E organizacion aki, nan ta bini cu e, New World Order, pa tur pais. Bijbel ta bisa den Revelacion 13: 16 – 17: “Nan ta haci cu tur hende, chikito y grandi, riko y pover, liber y catibo, ta ricibi un marca riba nan man drechi of riba nan frenta, pa ningun hende no por cumpra ni bende, si e no tin e marca ey, esta number di e bestia of number di su number.” Akinan por comprende, cu lo bay jega tempo, cu plaka, ATM card, credit-card, paspoort, cedula, rijbewijs, pension, AZV card etc. no tey mas, nan ta wordo kita, pero tur esakinan ta wordo programa den un micro-chip y den e micro-chip tin e marca di e bestia 666. Y lo bo wordo controla via satellite, pa medio di e micro-chip den bo curpa. Mira You Tube, The New World Order, Bible Revelation 13 !

Skirbi pa Seferino Tromp.
Un mensahero di Dios.

SUDOKU

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

Information Professional of the Year 2025



conferencia di Association of Caribbean University, Research and Institutional Libraries (ACURIL) ta e conferencia di mas grandi bibliotecanan den Caribe. E conferencia aki ta pa tur Bibliotecaria, Archivista, personal di museo, Especialista di informacion y otro profesional di informacion cu ta desea inspiracion, sigui siña, actualisa conocimiento y bay padilanti. Tema pa 2025 tabata ‘Digital Humanities: Connecting the Caribbean through Archives, Museums, and Libraries’. ACURIL 2025 a tuma lugar na Corsou, e siman cu a pasa.



Director di Biblioteca Nacional Aruba, sra. Astrid Britten, a ricibi e award di ‘Information Professional of the Year 2025’ di ACURIL diahuebs anochi durante e Closing Banquet/ ACURILEAN Evening of Awards 2025. E di 54 edicion di e



Oracion di dia

Un feliz comienso di weekend colma cu hopi amor y bendicion di Dios.

Stima Señor, bo Dios, di henter bo curason, cu henter bo alma, cu henter bo mente, y cu tur bo forza. E di dos mandamento mes importante: "Stima bo prohimo manera cu bo ta stima bo mes. No tin ningun otro mandamento cu ta mas importante cu esakinan." (Marco 12, 30-31)

Dios a crea bo segun su imagen, a duna bo e mesun capacidad pa stima, a supla den bo e mesun rosea di amor. Si bo ta cristian, bo tin cu tuma e antorcha di amor for di Cristo, charge cendi durante henter bo bida, y pase despues na bo yiunan, na bo amigonan y coleganan. E antorcha di amor aki tin cu pasa di man pa man, tin cu cende cas pa cas, ilumina curason pa curason y mente pa mente. Scuridad tin miedo di e antorcha di amor aki. Unda e antorcha aki ta cendi scuridad ta dirti bira nada, manera pida ijs. T'esaki ta amor: no ta nos a stima Dios prome, sino t'E a stima nos y a manda su Yiu pa E bira sacrificio pa pordon di nos picanan. (1Huan 4,10) Solamente ora bo ta descubri e tesoro cu ta den bo paden cu yama amor y solamente ora bo ta entrego na otro, lo bo ta feliz.

Oracion: Señor guia mi y proteha mi den Bo cosnan di haci di tur dia. Pa bo Amor ta semper hunto cu mi. Bo promesa ta real! No obstante ki tribulacion mi haya mi aden, mi sa cu Dios no ta laga mi bandona, den nomber di Hesus di Nazaret. Amen.